

RVSSIA SIVE MOSCOVIA.

134

Regio.
Nomina.
Erymon Mo-
schovia.
Situs.

Celi temperies.

Soli fertilitas.

Animalium va-
rietas.

Imperium.

Urbes.

Russia, quæ etiam *Roxolania* dicitur, gemina est, *Nigra & Alba*. Illa *Polonia* contermina est, hæc *Moscovia* pars. Porro *Moscovia* a *Moscho* amne haud dubie sic dicta, qui & *Regiæ* urbi, quam inter-
fluit, suum quoq; nomen indidit. Ejus imperium longe lateq; extenditur, ac *Mari glaciali* a *Septentrione* terminatur, ab *Oriente* *Tartaros*, a *Meridie* *Turcas* & *Polonos*, ab *Occidente* vero *Livones* & *Sue-*
ciæ regem vicinos habet. Quo omni tractu amplæ ditiones continentur, itaque *Moschovia* Dux hoc titulo fere-
titur: *Magnus Dominus Basilius, Dei gratia Imperator ac Dominator totius Russiae, nec non magnus Dux Wolo-*
ria, Moschovia, Novogrodia magna, Pskovia, Smolenskia, Thoveria, Ingaria, Permia, Usatksia, Bulgaria, etc. Domini-
tor & magnus Princeps Novogrodia inferioris terra, Czernigovia, Rezania, Wolochdia, Rjovia, Bielloia, Rostovia, lar-
slavia, Poloczksia, Biellozieria, Udoria, Obdoria, Condimiaque, &c. Immoderata in *Moscovia* & alpera *Aëris* tempe-
ries, adeo tamen salubris, ut ibi ultra *Tanais* fontes *Septentrionem* & *Orientem* versus nulla unquam pestis la-
vrat, etsi morbum haud dissimilem habeant quem *Calorem* vocant, qui intestina & caput adeo infestat, ut pauci
diebus pereant. Regio in universum neq; *Vitem* neq; *Oleam*, neque paullo suavioris *Pomi* frugiferam arborem
præter *Melopepones* & *Cerasa* producit: quum teneriora quæque gelidissimis *Boreæ* flatibus exurentur: cam-
pi tamen *Tritici*, *Siliginis*, *Millii*, *Panicique*, & omnis generis *Leguminum* segetes ferunt, sed certa messis in *Ce-*
ra & *Melle* consistit. *Silva* hæc *Hercynia* immanibus *Feris* plena. Ea in parte quæ vergit ad *Prussiam* *Viri* inge-
res & feroeissimi *Taurorum* specie reperiuntur, quos *Bison* vocant. Itemque *Alces* cervina effigie, & cum carne
proboscide altisque cruribus, & nullo suffraginum flexu, *Joaze* a *Moschovitis*, a *Germanis* vero *Helenas* appella-
ti. Præterea *Viri* inusitatae magnitudinis & praegrandes *Lupi* atro colore formidabiles. Venatio atq; etiam *Avi-*
captura nusquam gentium felicior. Nam venaticis *Canibus* & plagis omnis generis *Feras* capiunt, & *Asturibus*
atque *Falconibus*, quos mirificos regio *Pecerra* præbet, non modo *Phasianos* & *Anates*, sed *Cygnos* & *Grus*
consecantur. Cæterum *Russia* seu *Moscovia* regiones amplissimæ sunt. Ejus omnia, *Civitates*, *Opida*, *Arces*, *Pa-*
gi, *Silvæ*, *agri*, *lacus*, *flumina*, unius *Principis*, quem *Incolæ* magnum *Czar*, id est *Regem* seu *Imperatorem* vocant,
imperio & nutui subsunt, & quidquid singula commodi ferunt, in unius *Principis* fisco congerunt. *Duces* ac
Comites, qui dominium utile in bonis feudalibus liberum possideant, & ad hæredes eadem transmittant, nulli
sunt. Addicit quidem *pagos* & *agros* nonnullis, sed rusticorum operis nihilominus utitur, & rursus cum libet
adimit: adeo ut absolutum in subditos omnium rerum imperium habeat, & vicissim tanquam *Deus* a subditis
colatur, eique obedientia omnibus in rebus, absque ulla recusatione præstetur. Caput totius *Regni* & *Metro-*
polis est urbs *Moschovia* vulgo *Moskova*, tum situ suo oportuna, qui regionis medius esse existimatur; tum infig-
ni fluminum frequentia celebris, & domorum amplitudine numeroque & munitissime arcis robore. Oblongo
enim ædificiorum tractu secundum *Moschi* fluminis ripam ad spatium quinque miliarium extenditur. Domus
in universum sunt lignæ, distinctæ in triclinia, coquinas & cubilia, numerus earum fertur esse supra 41500,
Ha